

Berita Harian

Berita Minggu

Tarikh: 21/12/2010

Hari: Khamis M/S: 13

Ruangan: Varsiti

KARYA KREATIF

Agenda Kampung

Bunyi gendang kulit sapi memecah kesunyian,
Ayam jantan berkokok di reban,
Ayah dan ibu berwuduk solat Subuh,
Zikir kampung dari dahulu hingga sekarang,

Pagi yang kuning, hari baru bermula;
sarapan nasi goreng dan air kopi di atas meja,

Ayah baca al-Quran di ruang tamu,
Ibu membereskan tempat tidur,
Si kecil masih lena dalam buaian,
Aku di beranda berselimut kain pelikat.

Burung nuri menghias langit;
keceriaan matahari, seperti juga kelmarin.

Aku mula mengatur agenda hari ini,

Bermain dan bercerita menjadi kebiasaan
Ke bendang, ke bukit atau ke sungai satu
kemestian
Atau ke dusun memetik buah rambutan.

Lewat petang, matahari pulang ;
itik jalan melenggang, kerbau disuruh
ke kandang

Aku dan adik mandi di telaga,
Ayah naik basikal tua ke surau,
Selesai Isyak baru pulang,
Ibu mendodoikan adik dengan gurindam.

Penat sehari mengikut agenda kampung;
aku mula memejamkan mata.

**Hasil Nukilan,
AM.Fairus**

Mahasiswa boleh menghantar karya kreatif ke e-mel:
bhvarsiti@bharian.com.my
atau alamatkan ke: *Ruangan Karya Kreatif Varsiti, Unit
Pendidikan, Berita Harian Sdn Bhd, Balai Berita, 31, Jalan
Riong, Bangsar, 59100, Kuala Lumpur.*